

*Samræmd starfsleyfisskilyrði vegna hollustuhátta, sbr. lög nr. 7/1998 um hollustuhætti og mengunarvarnir, með síðari breytingum*  
**Starfsleyfisskilyrði fyrir sund- og baðstaði**

**1. Almenn ákvæði og gildissvið**

- 1.1 Sund- og baðstaðir eru hvers konar sundlaugar úti sem inni, setlaugar, iðulaugar, kennslulaugar, endurhæfingarlaugar, barnalaugar, busllaugar, laugar á hótelum, sumardvalarstöðum og baðstofur.
- 1.2 Starfsleyfið gildir aðeins í húsnæði sem tilgreint er í starfsleyfinu og hlotið hefur samþykki byggingarnefndar fyrir starfsemina .
- 1.3 Ef um annan starfsleyfisskyldan rekstur er að ræða samhliða gilda viðeigandi starfsleyfisskilyrði, s.s náttúrulegar, setlaugar og gufuböð utan sund- og baðstaða.
- 1.4 Aðgangur skal vera að neysluvatni, um gæði þess gilda ákvæði reglugerðar um neysluvatn.
- 1.5 Rekstraraðili ber ábyrgð á rekstri fyrirtækis að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfi.

**2. Húsnæði og búnaður**

- 2.1 Mannvirki og búnaður á sund- og baðstöðum skal þannig gerður og viðhaldið að fyllsta öryggis og þrifnaði verði komið við.
- 2.2 Húsnæðið skal vera aðskilið frá óskyldum atvinnurekstri eða íbúð.
- 2.3 Húsakynni skulu vera rúmgóð, björt, hæfilega hituð og loftræst á fullnægjandi hátt.
- 2.4 Umhverfis laug skal vera a.m.k 1,5 m breitt steipt eða hellulagt svæði eða annað sambærilegt yfirborðsefni sem auðvelt er að ræsta og sótthreinsa. Gönguleiðum við útilaugar skal halda frostfríum og lýsing við laugar skal vera góð.
- 2.5 Greiður aðgangur skal vera að drykkjarvatni.
- 2.6 Gestir skulu eiga greiðan aðgang að búnings- og baðaðstöðu. Í baðaðstöðu skulu gestir hafa aðgang að fljótandi sápu og aðstaða skal vera til að sinna ungbörnum á öruggan hátt. Í búningsaðstöðu skal miða við a.m.k. 0,5 m<sup>2</sup> fyrir hvern gest.
- 2.7 Í baðaðstöðu skulu vera fyrirmæli um að gestir þvoi sér án sundfata áður en gengið er til laugar. Aldrei skulu vera færri en tvær sturtur fyrir hvort kyn og þrjár á þeim stöðum þar sem sundkennsla fer fram.
- 2.8 Gestir skulu hafa greiðan aðgang að fullbúinni snyrtingu Einnig skal vera snyrting við sturtu- og búningsaðstöðu. Gólfplötur salernisrýmis skal vera minnst 1,2 m<sup>2</sup> og 3,3m<sup>2</sup> fyrir fatlaða og loftræst með opnanlegum glugga eða vélrænni loftræsing. Taka skal mið af umfangi starfsemi um fjölda snyrtinga.
- 2.9 Læst og loftræst ræstiaðstaða með skolvaski skal vera til staðar. Þar skal vera nægilegt geymslurými fyrir ræstiáhöld og efnavöru.
- 2.10 Geymslur skulu vera fyrir færanleg tæki og búnað og gengið frá þannig að ekki stafi hætta af.

**3. Hreinlæti og þrif**

- 3.1 Á sund- og baðstöðum skulu vera skriflegar hreinlætisáætlanir. Upplýsingar þessar skulu vera aðgengilegar fyrir eftirlitsaðila. Alsherjarhreingerningu skal gera a.m.k. árlega
- 3.2 Gólfefni og frágangur húsnæðis skal vera þannig að þrif séu auðveld.
- 3.3 Þrif skulu vera fullnægjandi, leitast skal við að nota umhverfisvæn efni þar sem því verður við komið og forðast óþarfa notkun á efnavöru.

- 3.4 Í innra eftirliti skal skrá, þar sem við á, frían klór og bundinn klór, sýrustig, niðurstöður gerla- og efnamælinga og hitastig vatns í laugum og heitum pottum. Einnig skal skrá efnanotkun, tíðni endurstillinga tækja og búnaðar og aðrar viðhaldsaðgerðir.
- 3.5 Loftræsikerfi skal hreinsa og þjónusta reglulega. Þjónustuhandbók eða samsvarandi leiðbeiningar fyrir loftræsikerfi skulu vera aðgengilegar fyrir eftirlitsaðila.
- 3.6 Ekki má hleypa hundum, köttum eða öðrum dýrum inn í húsnæðið.
- 3.7 Reykingar eru bannaðar þar sem almenningur leitar þjónustu.

#### 4. Heilnæmi vatnsins

- 4.1 Vatn í sundlaugum skal hreinsað og sóttahreinsað á viðurkenndan hátt samkvæmt ákvæðum í reglugerð um hollustuhætti á sund- og baðstöðum nr. 457/1998.
- 4.2 Styrkur klórs, sýrustig, endurnýjunarhraði og síunarhraði vatns í laugum, skal vera í samræmi við III. viðauka og önnur ákvæði ofangreindrar reglugerðar.
- 4.3 Búnaður og tæki til vatnshreinsunar skulu yfirfarinn a.m.k. árlega. Viðhaldsskrá skal vera aðgengileg eftirlitsfulltrúa.
- 4.4 Örveruinnihald í laugarvatni skal standast kröfur V.viðauka ofangreindrar reglugerðar.

#### 5. Öryggi og slysavarnir

- 5.1 Á sund- og baðstöðum skal vera til staðar neyðaráætlun, viðbragðsáætlun og öryggisreglur og skulu allir starfsmenn upplýstir um þær. Öryggisreglur skulu vera sýnilegar gestum.
- 5.2 Blöndunartæki á böðum og handlaugum skulu vera hitastýrð og vatnshiti ekki fara yfir 43°C. Fyrirtæki sem voru með gilt starfsleyfi 10. janúar 2003 hafa frest til 1. janúar 2006 til úrbóta.
- 5.3 Gólfefni í steypiböðum má ekki vera hált og það skal vera gott að þrifa.
- 5.4 Merkja skal greinilega hitastig í setlaugum og aðra þætti varðandi öryggi og slysaheitu, svo sem dýpi lauga, hættu við dýfingar, hálfu á laugarbökkum og annað það sem nauðsynlegt þykir vegna öryggis sundgеста. Merkingar skulu vera greinilegar.
- 5.5 Leiktæki og annar búnaður sem notaður er skal vera í lagi og þrífinn á fullnægjandi hátt samkvæmt hreinlætisáætlun.
- 5.6 Skrá skal óhöpp og slys á þar til gerð eyðublöð (sjá [www.ust.is](http://www.ust.is)). Skráningar skulu vera aðgengilegar heilbrigðiseftirliti.
- 5.7 Starfsmenn sundstaða er sinna laugargæslu skulu árlega gangast undir próf, svo nefnt hæfnispróf sundstaða, sem viðurkennt er af Kennaraháskóla Íslands, íþróttaskor. Samanber viðauka IV í reglugerð. Allir starfsmenn sundlauga skulu hafa sótt skyndihjálparnámskeið og það endurtekið eigi sjaldnar en annað hvert ár.
- 5.8 Á sundstöðum skal vera til viðurkenndur búnaður til skyndihjálpar. Skal búnaður þessi yfirfarinn reglulega.

#### 6. Matvæli.

- 6.1 Fara skal að ákvæðum matvæla- og slysa- og hollustuhætti um matvælaeftirlit og hollustuhætti við framleiðslu og dreifingu matvæla.

#### 7. Umhverfismál

- 7.1 Aðkoma og lóð skulu vera hrein og snyrtileg og uppfylla almenn öryggissjónarmið.
- 7.2 Leitast skal við að draga úr sorpmyndun og auka endurvinnslu úrgangs. Spilliefnum skal komið til viðurkenndra móttökustöðva.

- 7.3 Lyf og hættuleg efni skulu geymd í læstri hirslu. Efnavara skal merkt á fullnægjandi hátt.  
Öryggisleiðbeiningar fyrir hættuleg efni skulu vera aðgengilegar.
- 7.4 Fara skal að ákvæðum reglugerðar um fráveitur og skólp eftir því sem við á.

**Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:**

Lög nr. 7/1998 um hollustuhætti og mengunarvarnir, reglugerð um hollustuhætti nr. 941/2002, reglug.nr. 457/1998 um hollustuhætti á sund og baðstöðum, reglugerð nr. 737/2003 um meðhöndlun úrganga, reglugerð nr. 806/1999 um spilliefni, reglugerð nr. 798/1999 um fráveitur og skólp, reglugerð nr. 236/1990 um flokkun og meðferð eiturefna, hættulegra efna og vörutegunda, sem innihalda slík efni, lögum nr. 6/2002 um tóbaksvarnir, lögum nr. 93/1995 um matvæli, reglugerð nr. 522/1994 um matvælaeftirlit og hollustuhætti við framleiðslu og dreifingu matvæla, reglugerð nr. 536/2001 um neysluvatn, byggingarreglugerð nr. 441/1998,

**Atvinnugreinaflokkur (ISAT):** 92.61 Rekstur íþróttamannvirkja og  
92.62 Íþróttafélög; önnur íþróttastarfsemi